

之中無人代形則三官九府皆不聽人度三界故以人自代開明上天三官託受五帝領名身即得離三惡之門五苦之中地司不拘形魂昇仙代形之人後亦得補三官都書史主者之任依格二百四十年一轉有功亦得上真之任所以代形不得輒以凡醜惡之人貴以應用而已皆須細骨美色柔和小心之人則彼此合法尅得成仙



右石鏡水母玉精符黃書負青縉之上置於水中受法者以水自洗濯沐浴玉池身體生光內外受真常能書以洗洗則神明洞達九年自仙也

上清元始譜錄太真玉訣

上清天關三圖經

太霄隱訣

凡修七星移度之道上招玉皇九君玄精內照斷塞死根當寂心幽房不關風塵獨立對境時觀霄辰燒香左右散煙霞庭精心苦念存想勿眠如此七年則致瓊輿飛蓋丹轅來迎兆身上登天關塞死路於東北記生錄於南山所謂難希之道易降之真者也夫有金格玉名得披此道當以壬寅丙寅甲子甲午辛未辛丑此六會日高上值合之時也玉帝常以其日使侍仙玉郎校定青華東宮金格玉名學仙之錄是其日有勤志上徹感啓玉皇者即命北帝酆都六宮斷絕死錄之根記生錄於人門移七星加於鬼門度玄樞披天關每當清齋若念注玄冥目內存叩齒三十六通  
思第一太星玄樞陽明天樞魂神上玄九君衣飛雲錦裙頭戴玄晨之冠從玄斗中下入我身中因祝曰  
玄樞陽明天樞魂神上真九君混合變化共

為一神願為我斷死路於鬼戶度生錄於兩軒除七玄於三塗受胎生而更仙迴七精以玄陰度我形於天關畢咽氣三七過修行不懈上招玉皇之寶帝降紫霞之雲衛以寶華玉女金晨玉童各十二人侍衛子身



次思第二元星北胎陰精天璇魂神上玉九君同著青錦飛裙頭連玄晨之冠從玄斗中下降入我身咽氣咒曰  
北胎陰精天璇魂神上玉九君混合萬變共為一神願為我削陽罪於太陰度陰氣於太

陽移七元以斷死披六合於天關拔七紐於  
三陰孕胎根於南軒畢便咽氣二七過



次思第三真星九極上真上元夫人天璣魄  
精上素九君同著青錦飛裙頭建玄晨之冠  
從玄斗中下降入我身咽氣呪曰  
九極上真上元夫人天璣魄精上素九君混  
合變化共為一神願為我披解宿對之根斷

絕死道之源令我目明徹視洞鑒无窮玄真  
仰注精灌我身上攀皇魁飛步七元駕景來  
空與天相傾畢便咽氣二七過



次思第四樞星璇璣玄冥天權魂精上虛九  
君同著紫錦飛裙頭建玄晨之冠從玄斗中  
下降入我身中便呪曰  
璇璣玄冥天權魂精上虛九君混合萬變共  
為一神願為我移度七星填塞鬼門斷塞死

氣披朗天關迎北斗於玄樞度生氣於西坤  
離北帝於鄴都得記名於南軒畢咽氣二七過



次思第五剛星天平丹元玉衡魂靈上玄九  
皇君同著丹錦帔裙頭戴玄晨之冠從玄斗  
中下降入我身中便呪曰  
天平丹元玉衡魂靈上玄九皇君混合萬變  
共為一神為我上降七精下注我身迴四轉

三齋落七元塞死尸於東北受生官於九玄  
記名東華得侍玉晨畢咽氣二七過



次思第六紀星命機北極闡陽魂靈上丹皇  
虛九君同衣朱錦飛裙頭建玄晨之冠從玄  
斗中下降入我身中呪曰  
命機北極闡陽魂靈上丹皇虛九君混合萬  
變共為一神為我上開天一三圖玄關下轉

北帝酆都六官制御陰官落除九死之根迴  
三還四度名七元長保無窮與斗同年畢咽  
氣二七過



次思第七闡星玄陽天闡搖光太明太上玉  
皇道君同著丹錦飛羅裙頭建玄晨之冠從  
玄斗中下降入我身中便呪曰  
玄陽天闡搖光太明太上玉皇道君混合萬  
變共為一神願為我上招帝晨九真帝君九

陰混合迴轉天門解我七玄之祖今得遊遊  
玄雲削我北陰死根記我東華玉篇畢便咽  
氣二七過




存七元畢叩齒十二通瞑目思北方七星光  
明煥照北方星精內映來覆我身斗中真君  
混沌變化无有常形共乘綠霞之雲來迎我  
身同昇七星之中自覺我身在斗中央華蓋  
之下精光煥赫冠巾一身隨斗運轉如車之

輪須臾之頃已開天關七星九君各授我豁  
落七元開關之符以制北帝六宮斷塞死氣  
之根受符而旋以復本元還在斗中七符煥  
照如火之精運我來下豁然踏空倏忽之間  
安住寢床叩齒三十六通仰頭呪曰

玄光耀精流景電形乘靈遊變上昇七星璇  
璣促響如電奔驚天一開關度我者生北帝  
陰宮落我死名不度不落上向七精我佩七  
元流金大鈴豁落天機流漫八冥運使六甲  
策御六丁天降玄覆帝給神兵乞向東華記  
我玉名飛空乘虛上詣玉清畢便三十六咽  
氣止以開天關斷死根混合萬變之道畢於  
此行之七年佩豁落七元符則有飛霞繚軒  
來迎兆身唯在秘修慎勿輕傳  
帝君豁落七元符

開天關符在下卷內行移度七星事畢行之  
七年佩豁落七元



卷內畫相真人除已註說外並有冠履杖屨  
服未復來五色綉雲存思真人各君冠履杖屨  
詳按青緋餘官殿  
間全取宜紫飾  
北帝鄴都六宮度死法  
鄴都山在北方癸地故東北為鬼戶死氣之  
根山高二千六百里周迴三萬里其山洞元

在山之下周迴一萬五千里其上下並有鬼  
神宮室山上有六宮洞中又有六宮一宮周  
迴千里是為六天鬼神之神

第一名紂絕陰天宮

第二名恭殺諒事宗天宮

第三名明晨耐犯武城天宮

第四名恬照罪氣天宮

第五名宗靈七非天宮

第六名敢司連究屢天宮

右六宮是北帝所主六天鬼神所治領人之

死名死者莫不由鄴都六宮也是故帝君常

以七星移度學生之人過天關開南極之宮

斷塞東北之死戶也子行移度都畢當叩左

齒九通呼六宮之名而呪曰

吾是帝君之臣名書玉清下統六天北帝鬼

宮悉是我營我之所部何鬼敢生右佩豁落

左帶大鈴擲火萬里威制萬靈有犯者戮有

干者刑帝君有命收捕无停如此都畢一呪

則天光駭動萬魔東形三呪則鬼林滅種六

宮絕人死名天關度人南極生人學不知鄴



都宮名鬼神所治不學斷塞死根萬元成仙也  
也行移度七星事畢



次思存帝尊二星當平坐東向叩齒三十六  
通存帝尊三星高上玉皇八景元君九尊太  
微玉帝君太素七星元君同著飛雲紫錦裙  
建玄晨之冠從玄斗中下降入我身咒曰  
高上玉皇八景元君九尊太微帝君太素七

星元君九變混合上帝二尊為我上開天關  
移度五名斷塞鬼戶北帝六宮死根斷絕上  
昇七元賜我八景七精九皇飛與綠軒同登  
帝晨總朝皇妃攝御萬靈畢咽氣三七過



次存帝尊二符上登七星華蓋之中二尊星  
治在華蓋之下常覆三星精光不見人无見  
者故金書玉字玄得見二星延壽六百年子  
无二帝飛空上符則不得上登華蓋之下二  
星亦不見於子得佩二符二帝自以玄光映  
子之身修行九年白日升晨



五雜解過絕死度生上法

行六會移度之道當修五晨難於死尸度於  
生宮飛仙之法當以壬申丙申戊申甲申庚  
申五雜之日是時帝君高宴景龍之與綠霞  
飛軒從仙官玉女周旋十天下降人間看察  
學仙之人命北帝太陰五君齋死錄上詣平  
都主算官推校死生簿錄五方五星真皇道  
君各統一方總領諸仙應得道者言名東華  
有陰罪陰過陽罪陽過結在北帝太陰君言  
名鄭都之官離別善惡生死之人是故五雜  
之日首罪於太陰修生於太陽落死籍於北  
帝求仙於五星每至其日齋戒衣服燒香入  
室悔過念善存神內思一心注玄無有他念  
帝君周行三界神官自記子之功言名於五  
皇也如此五年尅得五星真皇來降于室也



每至五離日平旦日中夜半三時入室燒香  
 北向再拜叩齒三通咒曰  
 高上玉皇帝君乞句原除我七祖以來下及  
 其身所行陰惡无道致生淫慢相害出法千條  
 萬犯陽罪陰過名奏北帝者並乞除散削滅  
 罪名斷落死根度入天關得在東華書宇  
 篇七祖父母反胎南仙畢思北方辰星真皇  
 道君精原著紫錦飛裙腰帶虎符首建華冠  
 乘綠霞飛雲從十二仙官從北方來下降覆  
 我身光色鬱請煥赫精芒仰咒曰



北上真皇總統飛仙乘雲迴轡來冠我身乞  
 為我填塞鬼戶離絕死根言名玉清披釋天  
 關我得去離北帝上昇南軒壽與真皇同保  
 北晨便咽氣二十五過止

東向再拜叩齒三通存咒曰  
 玉晨太上君太極元景君乞句原某年一以  
 來所行陰罪陽過上及七祖宿對重愆結在  
 三陰者並乞披釋離滅罪名填塞死根北帝  
 除我宿結東華記我玉篇七玄父母同昇帝



晨  
 次思東方歲星中真皇君青牙著雲錦龍紋  
 之裙腰帶虎符首建華冠乘碧霞飛雲玉與  
 從十二仙官從東方來下降覆我身光色鬱  
 鬱煥爛向東方仰咒曰

東方中真流霞九門光映內外覆冠兆身乞  
 句賜我告下北帝離我死根度我玉名東華  
 內真我得升度未離死路七玄父母咸享福  
 祚與月俱生與日同暮乘虛浮空上登飛步  
 便咽氣九過止



南向再拜叩齒三通存呪曰

上清三元君南極上元君太陽九氣玉賢元君乞句原某有知以來所行元惡不孝違逆无道奸淫偷竊陰罪陽過上及七祖宿結流連簡目在於太陰罪名係於北晨乞句披釋

離滅三官宿對之目填絕死氣之根過度東北之尸上昇西南開關七玄父母威蒙帝恩畢次思南方榮惑星真皇君淮濟著雲霜鳳華龍鈴裙腰帶虎書首建玄晨之冠飛青錦衣乘丹霞絡輿從十二仙官從南方來下降覆

我身光色煥赫如日之升仰呪曰  
南方真皇玄象流光徘徊三門參駕丹輿上  
升七元光明内映洞冠我身為我降絕北帝  
罪名解結散滯消滅太陰身離鬼戶之中斷  
絕宿對之根上披天關升入南軒七祖父母  
同謁帝前便咽氣八過止

同謁帝前便咽氣八過止



西向再拜叩齒三通存呪曰

太素三元君四老道中君乞句原赦某有識以來所行所犯姁妬賢能輕泄經文履穢染塵濤慢三先呪誓悲淚上觸帝君宿對結在太陰罪名係於鬼官者乞句披釋離滅考根斷塞死路度名生門七祖父母上升福堂畢

次思西方太白星真皇君著皓錦流鈴裙腰帶虎書首建扶晨之冠乘素霞飛軒從十二仙官從西方來下降覆我身光明洞徹煥赫西方便仰呪曰

西方真皇素昧玄標參駕玉輿素華鬱霄迴晨來降真形披交為我迴轉九戶度身皇朝身離太陰之錄上升玄官同誦壽傾天地億年不彫七玄父母威蒙晨霞單便咽氣六過止



夫

次中央再拜叩齒三通存呪曰

高上太帝君王皇君乞句原赦某受生以來迄于今日所行所犯億愆此過七祖宿對連染不解事結太陰者並乞解除披釋散絕北帝玄名斷絕癸地鬼戶死氣之根度名天關歷過五晨七玄父母威蒙更仙畢

次思中央鎮星真皇君統騎延著黃雲龍錦虎裙腰佩金符首建紫冠駕黃霞飛輿從十二仙官從中央來下冠覆我身光明洞徹煥落中元便仰呪曰





中央鎮星真皇君總攝五帝運轉玄綱參駕  
黃霞周行四方為我落絕死根度名南陽之  
宮離五運六與我同翔變化萬津永享无量  
上登太極金闕玉堂七祖父母同荷利昌畢  
便咽氣十二過止



五離首過於五帝存五晨以度生事畢於此  
也若常至其日行之不廢七年感徹五晨真  
皇見形於子寢房也太帝自遣五方玉女五  
人衛子之身此帝太陰亦來朝子之門不敢  
拘子之罪也學仙求真宜勤行馬悔過求仙  
之道是上相青童君請金闕聖君之法為後

學求生之者作戒爾非太常君之悔過也行其  
事帝君亦鑒子之心自宿過不盡六天之宮亦  
不落子死名開關之府亦不度子之身是故離  
合之府開關之門開關之門為度生之宮離合  
之府為填死之源也惟在精求便得其真也



帝君明燈內觀求仙上法  
南極上元君受帝君常居胡玄之臺金房紫  
戶之內明玄燈以自映通霞光於八憲念太  
真於五形披三願於帝房靈上降於紫蓋元  
皇給以金童自然號我帝位總掌於玄宮太

品生乎始妙道在微芒今以相告子勤奉焉  
告南極上元君曰子學神真之道處靈宮之  
上瓊房之內而不知明燈以自映通玄光於  
五藏之內因得明矣形體之神因得歸也子  
能暮明燈於本命朝明燈於行年常明燈於

太歲三處願念即體澄氣正真光內照萬神  
朗清元君奉受法度施行三年即致夜光童  
子二十四人玄光自然而明不須明燈而通  
光也然此上真之妙法亦不傳於下世若有  
金名玉字玄格者得吾此道行之九年身體  
光明徹視萬里朗觀自然夜光童子降子之  
房授子真書白日登晨常明燈於所住靜室  
本命之上暮入室向燈長跪叩齒十二過呪曰  
玄光映太陰八達朗且明澄神曲室裏仰徹  
耀上清五輝發朗臺玉芝自然生洞照通太  
真萬神監我形削滅九陰氣記上東華名保  
我元終休長與日月并披度七玄難南宮更  
受榮明光戲玉皇上受內觀經天降飛霄登  
騰空御綠辮得請太帝館進拜玉皇庭早拜  
拜向本命仰頭咽液七過止



又常明燈於行年之上朝而向燈叩齒十二通呪曰

明燈照行年散光煥八方嬰嬰色象澄內觀朗空同披釋朗神衿子與玉真通仰宗高上道助邀无行蹤思得玄雲降控轡御飛龍却

我百年期還反嬰兒容賜我西華女給我金晨童侍香履年命稽首玉帝房神恭道亦暢

神霄降瞑目矚仙公拔過七祖難度形還南宮畢再拜向燈咽氣二七過止常太歲上明燈以通神理願以求真三年玄光內映神真


下降投子不死之方當時自有感應也當朝夕燒香叩齒十二過向燈呪曰

燈火映太真明光徹玄虛披朗无上道心注玉帝廬洞達空洞內神觀形自舒積感致靈

降心帖理潛仄朝禮太帝堂夕誦金真書道遜玄都裏萬歲反嬰孩天冠紫霄霞帝給綠瓊輿浮遊五嶽巔適意得所如七祖免三塗

福慶有盈餘畢再拜咽液二七過止若能恒於三處明燈不滅七玄九祖即得去

雖十苦上升南仙一身神明澄正目視萬里耳聰遠聽心智逆知未然神真來降夜光童子當教子求仙之道九年如此靈光自明通於表裏也五離首過於五帝存五晨以度生事畢於此也



帝君五願求仙上法

帝君常以九月九日十月五日三月三日四月八日七月七日此五願十會之時也上登太極瓊臺高上玉殿金室之內有五願於瓊宮希玄真以自降虛无啓以玉帝金音暢於太空召五帝以衛靈萬慶會於丹房故有感而致真真亦感發而降焉  
是其日常沐浴清齋入室燒香心拜四方正東向平坐東向者是當陽始暉之方也叩齒三十六通

第一上願我生自然之氣氣中結成我身身與三光齊倫長享无極之根

二願我身常處太空之上瓊宮玉房之裏朝與玉帝同宴夕與玄母同止渴喻浪井洪泉玉芝飢納龍胎瓊腴絳樹赤子

三願我身生萬端七十二光奇毛異骨飛羽衣裳乘雲駕空出入帝宮衆慶來臻萬善量



四願與无俱生與无俱死死而又生生為真皇封掌十天總領群仙

五願一切衆生已生未生同保日月三光有



道之人七玄之祖上升南宮天下之福靡有  
 不當四方五願並會玉堂  
 次上願九玄扶養我身魂魄真神恒居我宮  
 上通天仙下速洞淵願天願地願風願神願  
 仙五願一合定籍長生天降紫烟地衛五靈  
 乘雲駕虛飛輦綠軒上造金闕進登玉清慶  
 及七祖更受胎生五願五合長享利貞  
 中願亦五得道本根願陰願陽願太空願太  
 无願太玄上安玉房與帝因緣遊眇生關披  
 朗九天元父定籍玄母記年桃康結精保固  
 丹田身騰金闕名書玉篇七祖解脫福慶錄  
 下願亦五願太虛願太有願太上願太真願  
 神仙運身於五嶽之巔飄飄九霄之際出入  
 開關之裏移脫死尸之外願天地為我父母  
 三光衛我萬年神守九原之孔靈降自然之  
 氣八方五願與響而會五願畢叩齒二七通  
 呪曰  
 大帝上元帝一玄經五雲散景營營三清玉  
 童玉女燒香侍靈上願開陳與我合形使我  
 神仙上升帝庭北帝落死南關注生東華金

格得上我名无窮之願與我齊并祝畢又叩  
 齒三七過仰咽氣五過止  
 此帝君開陳上願與靈合形之道也常能爾  
 者則玉童侍衛玉童散香上徹九天感應帝  
 皇五年如此道自降矣







天下十方有道之願道无不降子之情口願之際當令心意在一不得他念外想真神散越則真不降也履淹胃穢真亦遠也帝君上願五會之道畢於此也每至其日若能精心願念如法帝遣玉童衛子之身招致五方之

願神仙之道來降爾形如此五年尅乘雲上昇九天列名東華七祖父母亦荷福慶得去三塗受仙南宮也  
南極上元君曰世人之學唯知朝求而暮獲一念而希降吐呪而望應而不知登樓岐之巔起於山跡千丈之木出於毫末道高而真妙豈可發足而登於雲梯耶帝君受氣而掌真猶尚明燈以自通五願以希慶豈不能包於自然也夫求仙之道皆當先願而後求願感而致靈爾五願之大也願亦无所不包福亦无所不覆慶亦无所不流可謂獨願善矣若能精心在願亦无不響應後來有情者為復訪而意焉  
上相青童君曰吾往學經歷七百年游峻登巔越東跨西殊南經北道遙中原經師三十二人凡受三百餘事未得上登金闕詣聖君受靈書紫文服日月黃華拘魂制魄之道結璘鬱儀九真八道解形遊變紫度交光派金火鈴吐納飛霞騰空步雲躡行七元寶經聖君以七星移度大帝所寶各盟見授使斷落

六宮死名填塞東北鬼戶上聞天關移度我身然後可得上登三元奉行遂得上相之司總領群仙七星煥落於天迴轉九元之精上乘三元之氣下統六天之名生死離合莫不由於七星故人為斗所加則死斗所移則生故七星為天之相開闢為度生之府夫學不知斷死戶於此斗度生目於南關生不可保乎上帝以此經移於六合之房命西華玉女金晨金童三百人侍衛靈文後傳聚真乃出於名山西城王君後於王屋石室之內見有此文王君方還齋三月齋信詣山奉受拔省是七星移度修行其道得成真人自无玉名成仙之人莫能聞見此道有經之子鄭都之六宮便記子之名移度兩關况復修行之耶王君云此本有三卷天關天圖二卷不行於世南嶽夫人所受正得一卷七星移度爾

上清天關三圖經